



Sakspapir

Saksbehandler	Arkiv	ArkivsakID
Ingebjørg Vamråk	FA - U63	17/65

Saksnr	Utvalg	Type	Dato
039/17	Formannskapet	PS	03.04.2017
022/17	Kommunestyret	PS	25.04.2017

Søknad om serveringsløyve - Land og Strand Eiendom AS

Vedlegg:

dokumentasjon etablererprøve

Søknad serveringsløyve

PLAN 1.ETG (L)(29690)

SIT PLAN UTESERVERING (L)(29691)

Saksutgreiing: Bakgrunn

Land og Strand Eiendom AS og Land og Strand Utleie A/S er eigd av Tafru Holding AS som igjen eig bygget Fabr. Nr 8. som her vert søkt serveringsløyve i. Det er Land og Strand Utleie AS som søker serveringsløyve, med Tore A. Frugård som dagleg leiar, og søknaden gjeld adressa Kremmerholmen 43-47, på Fedje.

Fabr. No 8 blei kjøpt av Land og Strand Eiendom AS i 2016, og har gjennomgått ei omfattande restaurering. Store delar av bygget er no sett i stand med leilegheiter både for sal og utleige. I tillegg er det fleire lokale av ulik storleik for utleige til selskaps- og kursformål. Det er dessutan lagt til rette for båt- og bubilturisme.

Søknaden gjeld serveringsløyve for kafédrift i lokalet kalla Bjellands kafé. Her skal det vere mogeleg å kjøpe enkle og rimelege rettar som blir laga i kjøkkenet til kafeen. Det skal i første omgang satsast på drift i helgar og i sommarsesongen. Det ligg føre planar om endringar i den noverande utforminga av kjøkken, slik at det ikkje vert tilgang for gjestar i kjøkkenområdet. Det skal òg gjerast endringar i toalettforholda.

Vurdering

Ein serveringsstad er ein stad der det blir servert mat, drikke eller begge deler. Serveringa må skje mot vederlag. Døme på serveringsstader er restaurantar, kafear, gatekjøken og pubar. Kravet til serveringsløyve gjeld både for utandørs og innandørs servering. Ein treng ikkje ha sitjeplassar for å bli rekna som serveringsstad, og eit gatekjøken som serverer mat gjennom ei luke i vegg, vil dermed òg vere ein serveringsstad.

Det er søkt om servering inne i kafeen, samt om at mat kan takast med ut.



Fedje kommune

Etter serveringslova § 3, skal serveringsløyve gjevast dersom krava i §§ 4-6, jf. § 7, er oppfylte, og det ikkje føreligg forhold som av politimessige omsyn gjer det utilrådeleg at serveringsløyve vert gjeve. Løyvet skal gjevast den som for si rekning staden blir driven, og gjeld for den staden som blir nemnd i løyvet.

§§ 4-6 stiller krav om dagleg leiar, krav til avlagd etablerarprøve, og krav til vandel. Alle tre vilkåra er oppfylte. Det er innhenta uttale frå politiet, som ikkje har merknader til at det blir gitt serveringsløyve.

Folkehelse: Gode møteplassar er eit viktig bidrag for sosiale fellesskap for så vel tilreisande som fastbuande.

Miljø: Ingen registrerte miljøkonsekvensar.

Økonomi: Privat føretak.

Konklusjon

Søknad om serveringsløyve blir innvilga.

Forslag til vedtak:

Fedje kommune gjev Land og Strand Eiendom AS serveringsløyve for Kremmerholmen 43-47, 5947 Fedje. Løyvet gjeld frå 01.05.2017.

Formannskapet - 039/17

F - behandling:

Rådmannen justerte adresse og dato i framlegg til vedtak i møtet.

F - vedtak:

Fedje kommune gjev Land og Strand Eiendom AS serveringsløyve for Bjelland Kafe, 5947 Fedje. Samrøystes vedteke.

Kommunestyret - 022/17

K - behandling:



Fedje kommune

K - vedtak:

Fedje kommune gjev Land og Strand Eiendom AS serveringsløyve for Bjelland Kafe, 5947 Fedje. Samrøystes vedteke.